

ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক সম্মূল্যায়ন প্রতিবেদন পর্যালোচনা সংক্রান্ত সভার কার্যবিবরণী।

সভাপতি	তোফাজ্জেল হোসেন অতিরিক্ত সচিব
সভার তারিখ	১৬ জানুয়ারি, ২০২৪ খ্রি.
সভার সময়	সকাল ০৯.১৫ ঘটিকা
স্থান	মৎস্য ও প্রাণিসম্পদ মন্ত্রণালয়ের সম্মেলন কক্ষ, ঢাকা
উপস্থিতি	পরিশিষ্ট “ক”

সভাপতি সকলকে স্বাগত জানিয়ে সভার কাজ শুরু করেন। শুরুতেই তিনি উল্লেখ করেন ডিজিটাল বাংলাদেশ বাস্তবায়নে ই-গভর্ন্যান্স ও উদ্ভাবন কর্মপরিকল্পনার গুরুত্ব অপরিসীম। টেকসই উন্নয়ন, সুশাসন প্রতিষ্ঠাকরণ এবং সরকারি কার্যক্রমকে আরো বেশি গতিশীল করার জন্য ই-গভর্ন্যান্স ও উদ্ভাবন কর্মপরিকল্পনা বাস্তবায়ন করা অতীব জরুরী। তিনি ই-গভর্ন্যান্স ও উদ্ভাবন কর্মপরিকল্পনা ২০২৩-২৪ সম্পর্কে আলোকপাত করে বলেন, নতুন নতুন উদ্ভাবনী ধারণা ও ইনোভেশন কার্যক্রম বাস্তবায়নের মাধ্যমে সরকারি সেবাসমূহ জনগণের দোরগোড়ায় পৌঁছে দেয়ার জন্য এই কর্মপরিকল্পনা বাস্তবায়ন করা অতীব গুরুত্বপূর্ণ। তিনি বলেন, প্রযুক্তি নির্ভর সরকার ব্যবস্থা গড়ে তোলা এবং জনগণের সময়, অর্থ এবং ভোগান্তি হ্রাস করার মাধ্যমে সরকারি সেবা জনগণের দোরগোড়ায় পৌঁছে দেয়ার জন্য ই-গভর্ন্যান্স ও উদ্ভাবন কর্মপরিকল্পনা যথাযথভাবে বাস্তবায়ন করতে হবে। তিনি উল্লেখ করেন যে, ই-গভর্ন্যান্স ও উদ্ভাবন কর্মপরিকল্পনা বার্ষিক কর্মসম্পাদন চুক্তির (এপিএ) অন্তর্গত হওয়ায় এপিএতে ভালো করতে হলে উদ্ভাবন পরিকল্পনা সঠিকভাবে বাস্তবায়ন করা জরুরি। তিনি ইনোভেশন টিমের সদস্যগণকে ই-গভর্ন্যান্স ও উদ্ভাবন কর্মপরিকল্পনা ২০২৩-২৪ যথাযথভাবে অবলোকন করে সে অনুযায়ী পদক্ষেপ গ্রহণ করার জন্য অনুরোধ জানান। অতঃপর তিনি জনাব মোঃ ইলিয়াস হোসেন, সিস্টেম এনালিস্ট, মৎস্য ও প্রাণিসম্পদ মন্ত্রণালয়-কে আওতাধীন দপ্তর / সংস্থার ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন উপস্থাপনের জন্য অনুরোধ জানান।

দপ্তর/সংস্থার অর্ধবার্ষিক মূল্যায়ন প্রতিবেদন পর্যালোচনাঃ

২) সিস্টেম এনালিস্ট মন্ত্রণালয়ের চিফ ইনোভেশন অফিসার মহোদয়কে স্বাগত জানিয়ে তার উপস্থাপনা শুরু করেন। শুরুতেই তিনি ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর কর্মসম্পাদন সূচকসমূহ সকলের সামনে উপস্থাপন করেন এবং কর্মসম্পাদন সূচকসমূহ কিভাবে বাস্তবায়ন করতে হবে সে বিষয়ে আলোকপাত করেন। তিনি জানান, মন্ত্রণালয়ের আওতাধীন সকল দপ্তর/সংস্থা থেকে ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন পাওয়া গেছে। দপ্তর/সংস্থা থেকে প্রেরিত মূল্যায়ন প্রতিবেদন পর্যালোচনা করার জন্যই আজকের এই সভা আয়োজন করা হয়েছে।

৩) শুরুতেই তিনি মৎস্য অধিদপ্তরের ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন সকলের সামনে উপস্থাপন করেন। এরপর প্রমাণক অনুযায়ী মৎস্য অধিদপ্তরের অর্ধবার্ষিক মূল্যায়ন প্রতিবেদন পুঙ্খানুপুঙ্খভাবে মন্ত্রণালয়ের চিফ ইনোভেশন অফিসার এবং ইনোভেশন টিম কর্তৃক পর্যালোচনা করা হয়। মৎস্য অধিদপ্তর কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ১৪ (চৌদ্দ) নম্বর দাবি করা হয়।

৪) এরপর প্রাণিসম্পদ অধিদপ্তরের ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন উপস্থাপন করেন। প্রাণিসম্পদ অধিদপ্তরের অর্ধবার্ষিক মূল্যায়ন প্রতিবেদনটিও মন্ত্রণালয়ের চিফ ইনোভেশন অফিসার এবং ইনোভেশন টিম কর্তৃক পর্যালোচনা করা হয়। প্রাণিসম্পদ অধিদপ্তরের তথ্য বাতায়ন হালনাগাদ সংক্রান্ত প্রতিবেদনটি মন্ত্রণালয়ের প্রতিবেদনের আলোকে প্রস্তুত করার জন্য নির্দেশনা প্রদান করা হয়। প্রমাণকসমূহ পর্যালোচনা করে সভাপতি মহোদয় প্রাণিসম্পদ অধিদপ্তরের ই-নথি কার্যক্রমের হার বৃদ্ধি করার প্রয়োজনীয় ব্যবস্থা গ্রহণের জন্য অধিদপ্তরের ইনোভেশন টিমের প্রতিনিধিদের নির্দেশ প্রদান করেন। প্রাণিসম্পদ অধিদপ্তর কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ২০ (বিশ) নম্বর দাবি করা হয়।

৫) পরবর্তীতে বাংলাদেশ মৎস্য উন্নয়ন কর্পোরেশনের ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন উপস্থাপন করেন। মন্ত্রণালয়ের ইনোভেশন টিম কর্তৃক বাংলাদেশ মৎস্য উন্নয়ন কর্পোরেশনের প্রমাণকটি পর্যালোচনা করা হয় এবং তাদের প্রেরিত প্রমাণকটি মন্ত্রণালয়ের নির্দেশনা মোতাবেক তৈরি করা হওয়ায় সভাপতি মহোদয় বাংলাদেশ মৎস্য উন্নয়ন কর্পোরেশনের ইনোভেশন টিমকে ধন্যবাদ প্রদান করেন এবং তাদের এ কার্যক্রম অব্যাহত রাখার প্রতি আহ্বান জানান। বাংলাদেশ মৎস্য উন্নয়ন কর্পোরেশন কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ১৪ (চৌদ্দ) নম্বর দাবি করা হয়।

৬) এরপর বাংলাদেশ মৎস্য গবেষণা ইন্সটিটিউট-এর ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন উপস্থাপন করা হয়। বাংলাদেশ মৎস্য গবেষণা ইন্সটিটিউট-এর ই-নথি কার্যক্রম বৃদ্ধির জন্য পরামর্শ প্রদান করা হয়। বাংলাদেশ মৎস্য গবেষণা ইন্সটিটিউট কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ২০ (বিশ) নম্বর দাবি করা হয়।

৭) পরবর্তীতে বাংলাদেশ প্রাণিসম্পদ গবেষণা ইন্সটিটিউট-এর ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন উপস্থাপন করা হয় এবং চিফ ইনোভেশন মহোদয়ের নেতৃত্বে মন্ত্রণালয়ের ইনোভেশন টিম কর্তৃক বাংলাদেশ প্রাণিসম্পদ গবেষণা ইন্সটিটিউট-এর প্রমাণক পর্যালোচনা করা হয়। গবেষণা প্রতিষ্ঠানটির ই-নথি কার্যক্রম ৮৫% এ উন্নীত করার নির্দেশনা প্রদান করা হয়। বাংলাদেশ প্রাণিসম্পদ গবেষণা ইন্সটিটিউট কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ১৪ (চৌদ্দ) নম্বর দাবি করা হয়।

৮) এরপর মেরিন ফিশারিজ অ্যাকাডেমির ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন সকলের সামনে উপস্থাপন করা হয় এবং চিফ ইনোভেশন মহোদয়ের নেতৃত্বে মন্ত্রণালয়ের ইনোভেশন টিম কর্তৃক পর্যালোচনা করা হয়। মেরিন ফিশারিজ অ্যাকাডেমি কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ১২.৫ নম্বর দাবি করা হয়।

৯) পরবর্তীতে বাংলাদেশ ভেটেরিনারি কাউন্সিলের ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন সকলের সামনে উপস্থাপন করা হয় এবং মন্ত্রণালয়ের ইনোভেশন টিম কর্তৃক পর্যালোচনা করা হয়। বাংলাদেশ ভেটেরিনারি কাউন্সিল কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ১১.৫ নম্বর দাবি করা হয়।

১০) সর্বশেষ মৎস্য ও প্রাণিসম্পদ তথ্য দপ্তরের ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন উপস্থাপন করা হয় এবং পর্যালোচনা করা হয়। ই-নথি কার্যক্রম বৃদ্ধিসহ বাকি কার্যক্রমগুলো যথাযথভাবে সম্পাদন করার নির্দেশনা প্রদান করা হয়। মৎস্য ও প্রাণিসম্পদ তথ্য দপ্তর কর্তৃক ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদনে ১০.৭ নম্বর দাবি করা হয়।

১১) মন্ত্রণালয়ের চিফ ইনোভেশন মহোদয় এবং ইনোভেশন টিম কর্তৃক আওতাধীন দপ্তর/সংস্থার ই-গভর্ন্যান্স ও উদ্ভাবন কর্মপরিকল্পনা ২০২৩-২৪ এর অর্ধবার্ষিক মূল্যায়ন প্রতিবেদন এবং প্রমাণকসমূহ পর্যালোচনা করে দপ্তর/সংস্থাকে নিম্নোক্তভাবে মূল্যায়ন / অর্জন নিরূপন করা হয়ঃ

ক্রম.	মন্ত্রণালয় / দপ্তর / সংস্থা	স্বমূল্যায়িত প্রাপ্ত স্কোর
১.	মৎস্য অধিদপ্তর	১৪.০
২.	প্রাণিসম্পদ অধিদপ্তর	২০.০
৩.	বাংলাদেশ মৎস্য উন্নয়ন কর্পোরেশন	১৪.০
৪.	বাংলাদেশ মৎস্য গবেষণা ইন্সটিটিউট	২০.০
৫.	বাংলাদেশ প্রাণিসম্পদ গবেষণা ইন্সটিটিউট	১৪.০
৬.	মেরিন ফিশারিজ একাডেমী	১২.৫
৭.	বাংলাদেশ ভেটেরিনারি কাউন্সিল	১১.৫
৮.	মৎস্য ও প্রাণিসম্পদ তথ্য দপ্তর	১০.৭

১২) সভায় বিস্তারিত আলোচনান্তে নিম্নোক্ত সিদ্ধান্ত গৃহীত হয়ঃ

১২.১) ই-গভর্ন্যান্স ও উদ্ভাবন কর্মপরিকল্পনা ২০২৩-২০২৪ এর কার্যক্রমসমূহ বাস্তবায়নের জন্য যে নির্দিষ্ট তারিখ নির্ধারিত আছে তার মধ্যেই সংশ্লিষ্ট কার্যক্রম সম্পন্ন করতে হবে।


১২.২) আওতাধীন দপ্তর / সংস্থার ই-নথির ব্যবহার বৃদ্ধির জন্য যথাযথ ব্যবস্থা গ্রহণ করতে হবে।

১২.৩) আওতাধীন দপ্তর / সংস্থার তথ্য বাতায়ন যথাযথভাবে হালনাগাদ রাখতে হবে এবং তথ্য বাতায়ন হালনাগাদ সংক্রান্ত ত্রৈমাসিক প্রতিবেদন মন্ত্রিপরিষদ বিভাগের মূল্যায়ন নির্দেশিকা এবং মন্ত্রণালয়ের প্রতিবেদন ফরম্যাট অনুসরণ করে যথাযথ প্রমাণকসহ মন্ত্রণালয়ে প্রেরণ করতে হবে।

১২.৪) দপ্তর / সংস্থার অর্ধবার্ষিক মূল্যায়ন প্রতিবেদন দ্রুত মন্ত্রিপরিষদ বিভাগে প্রেরণ করতে হবে।

১২.৫) স্মার্ট বাংলাদেশ বিনির্মাণ বিষয়ক কর্মপরিকল্পনা প্রস্তুত করে আগামী ৩১-০১-২০২৪ খ্রিঃ তারিখের মধ্যে মন্ত্রণালয়ে প্রেরণ করতে হবে।

১৩) অতঃপর সভাপতি মহোদয় সভায় উপস্থিত সকলকে ধন্যবাদ জানিয়ে সভা সমাপ্ত ঘোষণা করেন।



তোফাজ্জেল হোসেন

অতিরিক্ত সচিব

স্মারক নম্বর: ৩৩.০০.০০০০.১৫২.২০.০০১.২৩.১৯

তারিখ: ৭ মাঘ ১৪৩০

২১ জানুয়ারি ২০২৪

বিতরণ (জ্যেষ্ঠতার ক্রমানুসারে নয়) :

- ১) দপ্তর/সংস্থা প্রধানগণ
- ২) উপসচিব, প্রশাসন-১ শাখা, মৎস্য ও প্রাণিসম্পদ মন্ত্রণালয়
- ৩) উপসচিব, মৎস্য পরিকল্পনা-২ শাখা, মৎস্য ও প্রাণিসম্পদ মন্ত্রণালয়
- ৪) সিনিয়র সহকারি সচিব, প্রাণিসম্পদ পরিকল্পনা-১ শাখা, মৎস্য ও প্রাণিসম্পদ মন্ত্রণালয়
- ৫) সচিবের একান্ত সচিব, সচিবের দপ্তর, মৎস্য ও প্রাণিসম্পদ মন্ত্রণালয়
- ৬) সহকারী প্রোগ্রামার, আইসিটি সেল, মৎস্য ও প্রাণিসম্পদ মন্ত্রণালয়



মোঃ ইলিয়াস হোসেন

সিস্টেম এনালিস্ট